

# Promoziun d'energia e nagin stop da medis

## **La promoziun da l'ICF sto vegnir elavurada da radent**

(cc) La regenza grischuna dumonda la confederaziun da desister ad interim da suttametter l'ordinaziun d'energia ad ina revisiun, e quai concernent il sector da l'indemnisaziun per cuvrir ils custs da la furniziun d'electricitad (ICF). Sco che la regenza constatescha en la resposta da consultaziun tar la revisiun da l'ordinaziun d'energia duai dentant vegnir examinà sch'ils instruments da promoziun da la ICF pon vegnir repassads en il rom da las ulteriuras tractativas davart la strategia federala d'energia 2050. La regenza pretenda ina nova concepziun da princip da la ICF ch'è orientada tenor la relaziun dals custs e dal niz e che sustegna er investiziuns per augmentar l'effizienz da las ovras idraulicas grondas.

La concepziun actuala da la ICF favurisescha – tar la forza idraulica – las ovras electricas pitschnas empè d'ina utilisaziun pli raziunala da l'aua en ils stabiliments existents. Ord vista da la regenza grischuna sa mida quai mo minimalmain er cun la revisiun proponida da l'ordinaziun d'energia. Generalmain resta la contribuziun proporziunala da la ICF er suenter la revisiun proponida pli gronda tar las ovras idraulicas pitschnas, schebain che questas ovras furneschan procentualmain mo ina produczion da current relativamain minimala.

Per novs stabiliments che vegnan construids per lung d'auas naturalas duess la ICF vegnir pajada pir a partir d'ina limita inferiura dad 1 megawatt prestaziun installada. Ultra da quai duess la ICF esser pussaivla er per ovras idraulicas cun ina prestaziun installada da passa 10 megawatts.

strenscher l'admissiun da furniturs da prestaziuns che pratitgeschan a quint da l'assicuranza obligatorica per la tgira da personas malsaunas. Ella profita da la pussaivladad da prender distanza dal nov stop d'admissiun da medias e medis ch'è vegnì concludì da la confederaziun (stop da medias e medis) il fanadur 2013. Quai constatescha la regenza en in'ordinaziun ch'è necessaria per reglar questa dumonda. Il stop da medias e medis na vegn pia betg realisà en il chantun Grischun.

## **Il Grischun renunzia da reintrodur il stop da medias e medis**

La regenza na vesa nagin motiv per re-

Il stop d'admissiun era vegnì relaschà da la confederaziun per l'emprima giada l'onn 2002. La mesira ch'era limitada a 3 onns è vegnida prolungada 3 giadas ed è crudada davent la fin da l'onn 2011 per mancanza d'ina regulaziun successiva. Dapi il fanadur 2013 vala la nova ordinaziun federala che surlascha facticamain als chantuns da reintrodur il stop da medias e medis.